

UNIVERZITET U TUZLI
Ul. Dr. Tihomila Markovića br. 1
Broj: 01-139-JN-11/24
Tuzla, 20.09.2024. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14, 59/22 i 50/24) i člana 64. stav (1) tačka r. Statuta JU Univerziteta u Tuzli - prečišćeni tekst, a nakon razmatranja Zapisnika o pregledu i ocjeni ponuda broj: 01-139-JN-10/24 od 17.09.2024. godine, po punomoći Rektorice Univerziteta u Tuzli broj: 01-1424-1/24 od 13.03.2024. godine, direktor za ekonomske poslove, *donio je*

O D L U K U O IZBORU NAJPOVOLJNIJEG PONUĐAČA

I

U okončanom postupku javne nabavke i ugradnje klima uređaja za potrebe Univerziteta u Tuzli provedenom putem Konkurentskog zahtjeva za dostavu ponuda, izabran je ponuđač „HIDRO-GEO inženjering“ d.o.o. Tešanj sa ponudnom ukupnom cijenom 20.000 KM bez PDV-a odnosno 23.400,00 KM sa PDV-om, te se istom dodjeljuje okvirni sporazum za 2024. godinu.

II

Ponuda ponuđača iz tačke I ove Odluke zadovoljava sve uslove postavljene u Tenderskoj dokumentaciji, te je po svim elementima, uključujući i ponuđenu cijenu prihvatljiva za Univerzitet u Tuzli.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke dostavi original ili ovjerene kopije svih uvjerenja/povrda kojim se dokazuje vjerodostojnost date Izjave iz člana 45. stav (2) tačka a) do d) Zakona o javnim nabavkama BiH.

IV

Ova Odluka se objavljuje na internetskoj stranici Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

O b r a z l o ž e n j e

Univerzitet u Tuzli pokrenuo je postupak javne nabavke i ugradnje klima uređaja za potrebe Univerziteta u Tuzli putem Konkurentskog zahtjeva za dostavu ponuda, broj: 01-139-JN-2/24 od 20.08.2024. godine, koji je objavljen na Portalu javnih nabavki, obavještenje broj: 795-7-1-108-3-103/24 od 22.08.2024. godine, „Službenim novinama BiH” broj: 59/24 od 30.08.2024. godine i WEB stranici Univerziteta.

U ostavljenom roku ponudu su dostavila četiri ponuđača: „Energocentar“ d.o.o. Laktaši, „HIDRO-GEO inženjering“ d.o.o. Tešanj, „A/C SERVIS“ BANJA LUKA s.p. Bojan Golemović i „TELIX“ d.o.o. Tuzla.

Analizom ponuda Komisija za javne nabavke imenovana Rješenjem broj: 01-139-JN-3/24 od 20.08.2024. godine, utvrdila je da ponuđač „ENERGOCENTAR“ d.o.o. Laktaši nije dostavio svoju ponudu u skladu sa zahtjevima iz teterske dokumentacije. U obrascu za cijenu ponude ponuđen je model klima uređaja „Auratsu AWX-12KTKI”, a u priloženom katalogu proizvođača data je posebna oznaka AWX-12KTHI za unutarnju, a posebna oznaka AWX-12KTHO za vanjsku jedinicu. Iz priloženog se zaključuje da ponuđeni model u obrascu za cijenu ponude (AWX-12KTKI) nije u skladu sa dostavljenim katalogom kao i da je na taj

način praktično ponuđena samo unutarnja jedinica bez vanjske što Komisija smatra da nije ispravno. Analizirajući dalje ponudu ovog ponuđača utvrđeno je da u dostavljenom katalogu za ponuđenu opremu, nedostaje podatak o rashladnom sredstvu (plinu) koji klima uređaj koristi za oba modela ponuđene klime i nedostaje podatak o kapacitetu odvlaživanja (L/h) za oba modela ponuđenih klima uređaja, a što je traženo u minimalnim tehničkim karakteristikama za klima uređaje. Komisija je također uzela u razmatranje i sadržaj zvanične web stranice proizvođača Auratsu klima uređaja u pokušaju da pronade nedostajuće podatke iz priloženog kataloga a koji su traženi tenderskom dokumentacijom. Na zvaničnoj web stranici proizvođača Auratsu klima uređaja (<https://auratsu.com/awx-wall-mounted-air-conditioners>) proizvođač navodi da oni za sve svoje modele Auratsu klima uređaja isključivo koriste R32 plin tako da Komisija smatra da se ovaj podatak može uzeti kao relevantan u skladu sa tehničkim dijelom dostavljene ponude. Međutim, nedostaje podatak o kapacitetu odvlaživanja (L/h) za oba modela ponuđenih klima uređaja pa je zbog toga ponuda ponuđača „ENERGO CENTAR“ d.o.o. Laktaši nepravilna i nije u skladu sa zahtjevima iz tenderske dokumentacije u dijelu minimalnih tehničkih karakteristika kao i zbog neusklađenost tehničkog dijela ponude u obrascu za cijenu ponude i priloženog kataloga. Zbog prethodno navedenog ponuda ponuđača „ENERGO CENTAR“ d.o.o. Laktaši se odbacuje.

Analizom ponude ponuđača „A/C SERVIS“ Banja Luka utvrđeno je da ponuđač nije dostavio svoju ponudu u skladu sa zahtjevima iz tenderske dokumentacije. Ponuđen je klima uređaj, Auratsu model AWX-12KTKI/AWX-12KTKO i AWX-24KTKI/AWX-24KTKO koji ne ispunjava tražene minimalne tehničke karakteristike u skladu sa tenderskom dokumentacijom. U dostavljenom katalogu za ponuđenu opremu, nedostaje podatak o rashladnom sredstvu (plinu) koji klima uređaj koristi za oba modela ponuđene klime i nedostaje podatak o kapacitetu odvlaživanja (L/h) za oba modela ponuđenih klima uređaja. Komisija je također uzela u razmatranje i sadržaj zvanične web stranice proizvođača Auratsu klima uređaja u pokušaju da pronade nedostajuće podatke iz priloženog kataloga a koji su traženi tenderskom dokumentacijom. Na zvaničnoj web stranici proizvođača Auratsu klima uređaja (<https://auratsu.com/awx-wall-mounted-air-conditioners>) isti navodi da oni za sve svoje modele Auratsu klima uređaja isključivo koriste R32 plin tako da Komisija smatra da se ovaj podatak može uzeti za relevantan u skladu sa tehničkim dijelom dostavljene ponude. Međutim, nedostaje podatak o kapacitetu odvlaživanja (L/h) za oba modela ponuđenih klima uređaja te je ponuda ponuđača "A/C SERVIS" Banja Luka zbog toga nepravilna i nije u skladu sa zahtjevima iz tenderske dokumentacije, zbog čega se odbacuje.

Analizom ponude ponuđača „TELIX“ d.o.o. Tuzla Komisija je utvrdila da ponuđač nije dostavio ponudu u skladu sa postavljenim zahtjevima iz tenderske dokumentacije. Priloženi ANEKS 2 na strani 3. ponude nije propisno popunjen u skladu sa formom i zahtijevanim podacima. U Obrascu za cijenu ponude za stavku pod rednim brojem 3. Klima uređaj Tip 2, 24-ka sa montažom ponuđač je propustio da upiše iznos jedinične i ukupne cijene. Zbog navedenog ponuda ponuđača „TELIX“ d.o.o. Tuzla je nepravilna jer nije u skladu sa tenderskom dokumentacijom zbog čega se odbacuje.

Analizirajući ponudu ponuđača „HIDRO-GEO inženjering“ d.o.o. Tešanj Komisija za provođenje potupka je utvrdila da je ponuđač dostavio sve dokaze zahtijevane tenderskom dokumentacijom i da ponuđeni klima uređaji ispunjavaju minimalne tehničke karakteristike zbog čega je njegova ponuda ocijenjena kao prihvatljiva.

Budući da ponuda ponuđača „HIDRO-GEO inženjering“ d.o.o. Tešanj zadovoljava sve postavljene uslove utvrđene tenderskom dokumentacijom i da je u svemu prihvatljiva za

Univerzitet, to je Komisija predložila da se sa navedenim ponuđačem zaključi okvirni sporazum za 2024. godinu za nabavku i ugradnju klima uređaja.

Uvažavajući sve naprijed navedeno i da su u ovom postupku javne nabavke zadovoljeni svi principi utvrđeni Zakonom o javnim nabavkama BiH, po punomoći Rektorice Univerziteta u Tuzli, Direktor za ekonomske poslove prihvatio je prijedlog Komisije i odlučio kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba URŽ-u putem ugovorog organa Univerziteta u Tuzli u roku od pet (5) dana od dana njenog prijema, na adresu dr. Tihomila Markovića br.1.


Prilog:

- Zapisnik o pregledu i ocijeni ponuda broj:
01-139-JN-10/24 od 17.09.2024. godine

DIREKTOR

ZA EKONOMSKE POSLOVE

Alden Osmanbegović, dipl.oec



DOSTAVITI:
1x učesnicima
1x WEB portal
1x a/a